

## T I L L A G A

### **að starfsreglum um endurútgáfu starfsreglna þjóðkirkjunnar.**

(Lagt fyrir 62. kirkjuþing 2021-2022).

Flutt af forsætisnefnd.

Frsm. Guðlaugur Óskarsson.

#### 1. gr.

Eftirtaldar starfsreglur kirkjuþings verði endurútgefnar og öðlast tímabundið gildi að nýju frá 1. apríl 2022 til 1. janúar 2023:

1. Starfsreglur um vígslubiskupa nr. 986/2006, sbr. starfsrgl. nr. 1030/2007 og nr. 954/2010.

2. Starfsreglur um biskupafund nr. 964/2006.

#### 2. gr.

Starfsreglur þessar, sem sem settar eru með heimild í 8. gr. laga um Þjóðkirkjuna nr. 77/2021, öðlast gildi 1. apríl 2022 og gilda til 1. janúar 2023.

#### Greinargerð.

Í 2. mgr. ákvæðis til bráðabirgða í lögum um þjóðkirkjuna nr. 77/2021 segir: *Starfsreglur og samþykktir, sem kirkjuþing hefur sett eða samþykkt í gildistíð laga um stöðu, stjórn og starfshætti þjóðkirkjunnar, nr. 78/1997, halda gildi sínu, eftir því sem við á, þar til kirkjuþing hefur fellt þær niður, breytt þeim eða sett eða samþykkt nýjar, þó eigi síðar en 31. desember 2021.*

Starfsreglur þjóðkirkjunnar, sem samþykktar hafa verið af kirkjuþingi allt frá árinu 1998, skyldu samkvæmt ákvæði þessu falla úr gildi 31. desember 2021. Til þess að veita svigrúm til að endurskoða starfsreglusafnið með tilliti til breytts lagaumhverfis þjóðkirkjunnar samþykkti kirkjuþing 2021 - 2022 þann 23. nóvember 2021, starfsreglur um áframhaldandi gildi flestra starfsreglna þingsins, til loka árs 2022. Starfsreglur þessar eru nr. 14/2021. Auk þess hafa á kirkjuþingi 2021 – 2022, á seinni hluta árs 2021, verið settar nýjar starfsreglur um tiltekin málefni, t.d. um fjármál þjóðkirkjunnar og gilda þær um ótiltekinn tíma. Þær starfsreglur, sem þessi tillaga tekur til, voru ekki meðal þeirra sem veitt var áframhaldandi gildi út árið 2022 heldur

féllu þær brott í lok árs 2021. Ástæðan var sú að á kirkjuþingi 2021 – 2022 liggja fyrir tvær tillögur að nýjum starfsreglum um vígslubiskupa og ein tillaga að nýjum starfsreglum um biskupafund. Um er að ræða kirkjuþingsmál nr. 18 – 20. Þær tillögur hafa verið ræddar í fyrri umræðu og þeim vísað til löggjafarnefndar og síðari umræðu. Að tilhlutan löggjafarnefndar kirkjuþings þykir rétt að leggja nú fram þessa tillögu um áframhaldandi gildi fyrri starfsreglna um vígslubiskupa og biskupafund, til öryggis, fái þær tillögur sem að framan greinir í málum nr. 18 – 20, ekki framgang á kirkjuþingi 2021 - 2022. Mál þetta verður því eingöngu flutt fái framangreindar tillögur að nýjum starfsreglum í málum 18 – 20 ekki framgang og þá til að tryggja að ekki skapist lagalegt tómarúm um stöðu og störf vígslubiskupa og eins um stöðu biskupafundar. Til að gæta samræmis er gildistíminn sá sami og kveðið er á um í framangreindum starfsreglum um áframhaldandi gildi flestra starfsreglna þingsins, nr. 14/2021, þ.e. til loka árs 2022. Ekki þykir þörf á að skýra ákvæði 1. og 2. gr. tillögu þessarar frekar en orðið er.